

光緒重修安徽通志

重修安徽通志卷二百六十七

人物志

列女

節烈一

安慶府

漢焦仲卿妻劉氏仲卿爲廬江小吏氏爲姑所逐自誓弗嫁其母屢偪遂赴水死仲卿聞之亦自經於庭樹時人傷感作樂府以歌其事

潛山人

唐張孚卿妻王氏孚卿爲桐城主簿禱雨龍眠山水暴至溺死氏求屍不得奔至觀音崖投水明日其屍逆流與孚卿屍會遂合葬龍眠山口事聞贈孚卿英烈昭應侯氏英烈夫人

桐城官眷

宋汪革仲子婦張氏四郎女張汪素以貲雄里閭淳熙中或首革有異志詔捕之將逃張謂姑曰不可逃而免也曷就逮自明

弗聽張泣曰死鳥無生翼遂自沈於河革誅同室皆坐死人多

其智

太湖人

元知府韓建妻某氏陳友諒陷安慶氏及全家咸殉節

懷甯官眷

步

祠主

善慶妻陳氏善慶贅於陳未幾卒氏哀慟三年如一日

服除自經詔旌其門

懷甯人下同

李忠妻王氏忠溺死斂畢投水姑救免乘間自經死

張均昇妻桂氏紅巾賊亂聞均昇遇害望野哀號觸樹而死

桐城人

明安慶衛指揮龍應宗妻高氏應宗守城不顧家室氏聞城內

兵變登樓自縊家人救之至夜城潰遂赴宅旁大塘死

懷甯官眷

胡聚成妻王氏聚成病歿連日不食隨卽自經死永樂年旌

懷甯人

同

房甲妻陳氏見賊斫甲以身當之面頂受重創賊怒復加刃手握其鋒掌肉俱削四指皆斷賊竟殺甲陳氏復蘇遂爲廢人董傳鍾妻喻氏聞夫死寇難敵指血誓衣襟曰生臥董家牀死葬董家山決不苟偷生遺臭於千古遂自經

生員韓鼎印

明史作允縣志作應

妻劉氏福王時城潰舅姑殯於庭賊疑

棺內有藏欲剖視劉伏棺號哭有女年十三賊數目之劉曰但得不驚吾先柩女非所惜賊驅女去門外有池劉送女目池示之女奮身投池死賊怒殺劉詔建孝婦烈女二坊明史有傳諸生劉若寓妻吳氏左兵破城殺若寓氏哭罵被剜雙乳死給諫劉餘謨妻阮氏婉身方半日賊突至將拽去氏叱曰我命婦肯從豺狼乎奪刃自刎死賊怒並兩幼子殺之

諸生張明煒妻游氏左兵破城執煒游自複壁中躍出曰幸釋

吾夫願以身從賊遂釋煒游睨煒既遠以頭觸地賊怒殺之

諸生錢驥

一作錢

妻劉氏亂兵劫劉出戶劉紿以藏金在室得返

以子授姑遂投火死

與桐城縣志同

李秀野妻余氏城潰火烈促夫以長子逃自懷幼子赴火死

貢生方都韓妻呂氏城潰韓救父爲賊所執氏挺身往救因同

遇害

諸生葉標妻汪氏城潰前期母家迎出郭氏曰舅姑在義不容

舍去遂不行聞賊將至乃自縊死

陳自

縣志作已

妻程氏夫爲賊所害程罵賊同死婢重貞時在流離

棄己子而育程子

吳某妻胡氏諸生宗孔之母流寇執其姑氏奔出抱姑痛哭同

遇害

顏某妻劉氏應天府尹顏素之冢孫婦崇禎十五年安慶兵亂乘夜焚掠舅與夫在金陵氏子身出避見男婦雜行慨然曰婦人保姆不在義不出帷敢亂奔乎遂投江死明史有傳

戴堯封妻劉氏左兵破城姑老不能步履劉守之不去見賊刃其姑奮往投水其子宗燦亦從母赴水死

諸生游必常妻魯氏左兵破城投水死

監生劉若寬妻黃氏都督黃應甲女孀居二十年城破賊入室百般拷烙惟呼神詛賊而死

金汝陽妻黃氏夫亡守節城陷抗賊於鐵佛菴而死

諸生蔡復克妻江一統志作汪氏左兵將薄城自母家奔回省姑遇

賊大罵不屈死

諸生陳毓純妻黃氏左兵破城賊脅以刃不屈受重傷赴水死

諸生張繼新妻羅氏左兵破城奮身投塘水淺以首濡泥死

太僕寺主簿汪之廣妾湯氏與姑孫氏同被賊執見賊欲刃其姑湯請以身代因舍孫執湯湯堅拒不從遂遇害

王真卿妻梅氏賊挾其夫去梅抱子投塘死

諸生張夢鼎妻章氏兵亂負姑潛匿賊欲殺姑泣求釋姑去遂奪刃自刎死

段志高妻李氏城潰攜子出避賊欲犯之以子授婢罵賊而死張克非妻徐氏歲貢生張麟母左兵破城全家避萬億倉內賊至殺其婢氏攜麟伏井旁俄見賊縛其舅榜掠甚慘持簪珥出救賊提刃挾之氏罵賊死舅亦遇害

雷某妻楊氏諸生雷澤母城潰攜媳吳氏出逃遇賊欲強之去楊罵不絕赴烈燄中媳見姑死莫救亦蹈火死

郭某妻劉氏諸生邦宰母城陷抱女投塘死

諸生李允執妻柯

一作何

氏城破允執滯金陵氏攜幼子守姑

柩賊曳之出厲罵而死義婢荷貞棄己子負幼主以逃得延李

祀

秦州知州楊應漸妻王氏應漸宦游城破家人奔散氏愛庶子

壇誓死不出房賊入室知係宦家搜偏財貨不厭挾刃臨之厲

罵被戕壇亦戀母不去枕屍慟哭數日亦死

詳一統志

周家聘

一統志江南通志俱作嘉聘

妻何氏城破攜兩女隨夫遯郭外道遇

賊疑聘挾厚貨脅之以兵氏跪求身代賊不顧聘負重創氏抵

賊罵曰賊來殺我遂並兩女俱遇害

汪應巍妻王氏左兵破城投江死

諸生張清謨妻江氏左兵破城投黃家塘死

汪受之妻倪氏左兵破城奔儒學東投井死

諸生韋文光妻丁氏左兵破城投井死

諸生韋文煒妻吳氏左兵破城投井殞命煒亦觸石而死

諸生

縣志作廩生

陳九春繼妻王氏少寡守節左兵破城墜城死

盱眙縣訓導路瓊妻周氏左兵破城投蓮花塘死

張增穎妻施氏崇禎十四年流賊散村落氏偕姑匿密室中賊搜獲其姑氏出挺身受杖罵賊不屈死

程翔雲妻胡氏抱子避兵巖谷見夫弟已止其處引嫌別往遂遇賊憤罵不屈母子同遇害

潘士蕢妻朱氏遇賊不屈攜女投崖死

程大士妻丁氏寇至抱子投塘死

鄉飲賓

縣志作大賓

張增寵妻李氏增寵承巡撫張亮命督城工知

左兵將來深以爲憂氏曰夫子勉從公矣母以家室爲慮妾誓以死報及城陷罵賊不屈死

秦鑑母劉氏城潰被執罵賊死

劉振所妻萬氏守節撫孤左兵破城失子所在遂自經死
陳尙炳妻何氏左兵破城遇賊投橋死

諸生胡士恂妻張氏左兵破城投水自盡隨夫殉難仲媳府學生員紹虞妻蔣氏亦自縊死

葉兆魁妻徐氏流寇掠境闔門被執兆魁以救節母龔氏被殺徐氏痛哭投水死子震昌伏屍哀號俱罹賊鋒

張起鳳妻黃氏媳方氏左兵破城俱不屈死

何仲妻許氏左兵破城大罵賊怒抽刀破腦而死

唐祖順

江南通志作舜

妻楊氏左兵破城遇賊不屈死

貢生高陞妻劉氏左兵破城與錢文炳繼妻顏氏高孝銘妻吳氏程杜柏妻李氏皆罵賊不屈死

少參戴泉妾毛氏左兵破城與戴宗琇妻李氏同罵賊死

諸生徐憲武妻林氏與陳所信妻曹氏左兵破城俱罵賊不屈死

某某氏左兵破城攜幼兒逃避爲亂兵所掠賊驅入船兒墮水死氏曰是吾幼主也一家數十口盡被賊戮止賸此兒吾之不死欲存之以延宗祀今復何爲遂罵賊赴水死

鄭素居妻余氏流寇入室見夫力鬪身亡隨與幼子俊俱被焚死女福貞詳貞烈同時殉難

鄧久中之兩媳俱未詳姓氏各隨其夫死於流寇

貢生洪五典妻程氏左兵破城掖孀姑盛氏避亂遇賊欲挾之

罵賊而死

諸生戴君鼎妻宣氏左兵破城因守夫柩不去罵賊而死

阮某妻崔氏殉難諸生阮之釭母左兵破城受重創死

參將孟振邦妻崔氏左兵破城隨夫殉難

周某妻何氏文典母左兵破城隨夫殉難

吳名揚妻洪氏左兵破城眷屬將被執氏抗不屈牽其女媳孫男共十口同溺於北門內飲馬塘死

丁世烈妻陳氏李應誠妻丁氏皆捐軀殉難

丁啟政妻夏氏捐軀殉烈

按以上順治乙酉殉難諸婦女邑志載入

國朝謹遵一統志江南通志改歸明季

吳孟傳妻姚氏年二十歲夫歿既葬自經死

桐城人下同

方說妻姚氏事繼母孝年十七歸說說歿服斬衰自經死正德年旌

周見妻桂氏年二十夫亡越數日自經死嘉靖年旌

李棟妻張氏棟死無子自經於牀母救之引斧斫己左臂家人奪斧乘閒投於寒冰首觸冰穴溺死明史有傳

胡效俊繼妻程氏效俊死程投繯三次家人皆救之嗣後言動如常迨百日已過防閑稍疎仍乘閒自經死

錢巨瞻妻周氏夫亡自經家人救之乃跪靈前七日不食死

詹伯妻儲氏伯渡石溪溺死儲獲其屍爲吮口鼻血卽欲殉爲諸姒所持越月餘自經於靈側

諸生周一脈妻陸氏年二十三夫歿葬畢自經死

洪錦妻汪氏錦疾篤誓與同穴旣卒命營大壙葬先一日自經

死遂合葬焉

許聖德妻徐氏夫亡斂畢隨自經死

高文學妻王氏夫亡哀號不輟父道美曰無過哀事有三等能相從地下爲烈次則冰霜以事舅姑爲節三則恆人事耳予不忍言王聞之絕粒七日死明史有傳

吳仲淇妻楊氏淇卒家貧舅欲改嫁楊曰卽餓死必與舅姑俱舅不能奪數年家益貧舅謀於其父母將以償債楊仰天呼曰以吾口累舅姑不孝無所助於貧不仁失節則不義勢不能存理不可去吾有死而已因咽髮死明史有傳

陳炯妻王氏年十七歸炯甫半載炯中痘死斂畢一慟而絕方九思妻吳氏適方二年而夫歿有議婚者來絕粒八日死潘遇妻某氏歸潘數月而夫歿潛入林中自縊死

周顯祖

一作統志

妻方氏夫亡斂畢觸棺死

諸生葉士連妻吳氏方祥甫妻尹氏俱夫亡絕粒死

方如珽妻汪氏夫亡服闋絕粒七日死

葉肅妻戴氏夫亡無歸依其姻黨時有以他事中其姻黨並淫戴者吏將繫之戴仰天號曰辱貞婦對刀筆吏吾恥之伏刃絕吭而死

姚檢妻某氏家貧編茅爲牆夫出鄰人挑之氏曰此牆難禦強暴遂自經死

諸生盛世英妻許氏英亡舅姑欲奪志潛剗左耳守節以終方啟煜妻王氏煜病刲股以進弗愈斷髮毀耳鼻守節以終汪世衡妻戴氏正德年間流賊欲掠氏抱樹罵賊怒磔之諸生吳道震妻姚氏湘潭知縣之騏女年十九歲夫亡以子德

堅在襁褓忍死撫之歷二十六年崇禎末年兄孫林奉母避亂氏偕行賊奄至孫林格鬪死德堅負氏逃氏曰汝書生焉能負我違行不能全母反絕父祀乎叱之去賊至索金大罵不與被亂砍死明史有傳

舉人王天璧妻卽氏崇禎辛巳流寇至樅陽躍入龍潭死

武甯縣知縣璩伯崑妻王氏崇禎丁丑流寇掠鄉與三子並被賊殺

諸生王曰善妻左氏年十九歲夫歿自經姑解救之與姑相守二十餘年流賊猝至縊死夫柩旁崇禎年旌

張秉一作景文妻方氏字如耀大鎮長女工詩善畫崇禎己卯

隨秉文宦山東布政司流寇至秉文殉難方率妾陳氏同蹈後

河死舊志作率妾陳氏楊氏按桐城舊縣志無楊氏惟云又一妾以遺腹忍死手殯三喪與歸請旌或卽所謂楊氏歟

石應魁妻徐氏賊搜龍眠見賊大罵被刺而死

封刑部郎吳先攀妻舒氏崇禎末避賊雞棲山洞中賊舉火焚洞被烟熏死

諸生錢秉鐙妻方氏崇禎甲申秉鐙避仇三吳方挈子女追尋得之時值寇亂方知不免豫作絕命詞有願作吳江一段波語
縫長子法祖腰帶中隨卽抱女赴水死明史有傳

許宗炎妻黃氏避賊小湖中罵賊不屈被殺

諸生馬孟重妻黃氏明末居皖會寇破城見仲季二子俱被殺死因罵賊亦被殺媳齊氏諸生馬錫妻慟姑被殺疾走赴江死貢生方象乾繼妻蘇氏寇至自經死妾蘇氏崇禎甲戌攜幼子戡避亂龍山聞賊至以子託老婢密紉周身衣觸崖而死

汪縣志世茂妻胡氏崇禎壬午寇至樅陽以瓷石斫面率三子

赴水死

楊廉遜妻周氏奉姑張避兵銅山賊執其姑搜索簪珥倡令解衣周以身衛賊兵刃亂下至死猶抱之愈力賊感其孝烈遂釋其姑

諸生項鴻妻程氏崇禎壬午避寇香山堡遇賊厲罵賊怒屠其腸而死二子亦被殺

張士綱妻章氏崇禎壬午寇掠銅山章奉姑奔竄姑被賊殺遂偪章章曰能運薪焚姑屍以免暴露卽相從賊信之運稻稗如山積章四布之中畱一徑移屍納其內誘賊曰與舉火風起火驟章出持田器禦其外燒死數賊餘賊大呼遜章乃挺身躍入火中抱姑屍而死

諸生方佩玉妻施氏隨夫避亂舟中寇至攜小姑同赴水抱石

沈死

汪瑞齡妻華氏明季獻賊大掠縱火焚宅氏紉衣赴水死

吳大楫妻王氏守節撫孤寇至赴水死

戴宏錫妻楊氏大總戎鎮西女夫歿撫孤崇禎壬午避亂廬江
流寇破城攜子智興及老婢董七貞匿倉下賊搜獲欲劫之去
不從賊怒斷其臂猶罵不絕遂被殺舉火焚倉婢從倉底出見
智興抱母屍死火中賊退婢白親故以母子死狀乞斂遣散事
畢投水死

諸生俞方煜長媳王氏次媳方氏幼女蕢榮避亂舟中將與賊
遇同躍入江死

吳光耀妻許氏崇禎丁丑避亂江干罵賊而死

齊永清妻姚氏因賊毒擊永清馳至賊前以石擊賊且哭且罵

被賊殺死

舉人王彭年妻童氏崇禎丁丑賊犯桐彭年父以家貧意賊不掠己已而賊至無一得脫彭年急救父賊刺其左頰挾童索金童給賊曰金在火宅中其汝掘之賊因倒戟彭年父子得遯去賊怒童被殺死

四川布經歷項惟德妻巴氏隨夫在任崇禎甲申獻忠破蜀同夫罵賊不屈死婢皆被殺

項貽妻黃氏崇禎辛巳隨舅姑及夫避亂行至龍河罵賊不屈抗節而死

諸生齊邦祚妻汪氏邦祚死於廬江館中汪氏奔喪適寇陷廬揮子永潢速逃隨自經死

汪業妻吳氏遇賊大罵被刎首死

直隸州志卷之二十一
大李莊烈婦不知姓氏崇禎壬午賊踞西山厲罵不屈被刀劍
交加死

雲南按察使司張澤繼妻王氏聞夫死於忠慟哭不食死

張超羣妾龔氏年二十七刲股救夫弗愈欲以身殉因嫡汪病
臥在牀忍死侍奉亦刲股以救卒不起斂畢隨卽自盡

周啟尙妻施氏青年夫歿刲頸不死復以指入刲痕絕吭而死
周啟良妻左氏年二十夫亡葬畢隨自縊死

吳洲妻程氏年十八適洲逾年夫歿無子絕粒七日死

蘇顯祖妻方氏夫早亡欲同穴因以頭觸棺死遂與夫合葬

汪林妻馬氏林病疽馬刺腹割肝和藥進卒不治夫婦俱殞

方景妻張氏事舅姑並祖姑極孝祖姑病累年臥牀褥應時浣

濯終祖姑年不懈及景卒張一慟幾絕踰月不食死

胡聚妻吳氏夫亡葬畢夜半投池死時盛暑屍出體貌如生
殷廷彥妻方氏年十七夫歿恐驚祖姑及舅姑吞金以殉

戴君廷妻何氏夫亡密縫其衣送葬登山號跳觸樹死

朱怡峯妻方氏姚孫槃妻江氏方若鳳妻尹氏皆夫亡殉烈

吳大節妻王氏守節撫孤萬厯間遇寇亂投河死

貢生劉蕃妻阮氏禮部如蒿曾孫女寄居府城左兵東下城將
破耕倉皇無措氏曰君無子當以宗祧爲重母以我爲念我婦
人義不受辱自分必死遂赴府城內雙蓮寺旁投池自盡

劉克明妻陳氏崇禎戊寅寇掠北鄉陳奉姑逃遇賊哀請釋姑
賊遂釋之因脅陳陳拒不從被縛於樹積薪焚死

錢文炳繼妻顏氏夫病刲股以救不效斷指自誓苦節十九年
值寇破皖城罵不絕口被寸磔死

錢文選妻張氏罵賊被殺

錢文和妻周氏流寇猖獗因欲偏污抱柱不可解曲誘仍不屈被裹絮灌油焚死

錢文灝繼妻程氏明季寇亂罵賊不屈死

吳藩妻程氏崇禎辛巳遇賊不屈死

陳朝桓妻王氏朝桓登門樓擊賊被賊焚死氏亦不屈殉難

葉楚卿妻伍氏崇禎十年賊脅楚卿氏因厲罵並受刃死

石畢蘭妻徐氏流寇犯桐罵賊不屈死

吳光瑤妻許氏崇禎丁丑罵賊而死

吳用亨妻楊氏崇禎辛巳流寇大掠用亨與戰遇害氏偕一子一女亦同殉難

吳用甯妻章氏崇禎壬午與子曰順日蓮及次媳日順妻楊氏

皆死於賊

吳用驄妻劉氏與子曰卓聘妻劉氏俱死於叛兵之亂

孫臨妾葛氏金陵人事嫡方以禮從臨避亂舟次震澤寇猝至臨適登岸葛氏設計以方登他舟隨卽投水而死

方若善妾何氏崇禎丁丑流寇犯桐捐軀殉烈

方士欽妻程氏寇至被劫厲罵不屈賊怒割其舌噴血濺衣同難者見其血皆白

朱龍玉妻胡氏崇禎丁丑避賊山中因賊搜山觸石而死

朱希助妻東氏朱階妻吳氏流寇焚掠皆罵賊不屈死

陶儀廷妻童氏早寡崇禎壬午寇掠樅陽抱夫靈投水死

陶伯珍妻盛氏安貧守志崇禎壬午賊竄至攜幼女投河死

陶懋聞妻毛氏崇禎癸未寇復掠桐見賊不屈奮身投淵死

陳應璇妻舒氏寇掠樅陽舉家入舟避亂舒獨後被執罵不絕口賊遂攢刃斷身如泥血流岸下河水皆赤

陳之蕃妻周氏遭寇強掠氏以口齧賊手賊痛甚力稍懈氏卽奔赴河死

陳自祥妻鄧氏崇禎壬午流賊肆虐乘間投火死

章日華妻錢氏明季寇亂罵賊不屈死

章印南妻吳氏崇禎十四年寇掠鄉村印南遇害氏罵不絕被賊擊死

楊采勤妻章氏崇禎十年寇至被擄行經川上奮力墜淵死
楊允若妻周氏崇禎丁丑寇突至被姑登山巔被賊追砍皮骨盡裂賊感之姑得釋眾扶姑灌之越一宿姑端坐而卒

姚岷妻楊氏寇至被擄死拒不從賊怒以佩刀寸斷之至死罵

不絕聲

胡占箕妻錢氏崇禎末遇寇以頭觸城頭破慘死

黃玉峯妻李氏明季寇亂避居水圩圩破被殺

齊寵綸妻鄧氏遇寇不屈死

齊廉石妻鮑氏隨夫避亂路與賊遇夫挈子女逃氏爲賊獲罵不絕而死

王翼善妻丁氏明季寇至攜幼女及長媳投水死

許公玉妻李氏崇禎辛巳猝與賊遇因護幼子背受七創賊退家人與歸而死

戴季文繼妻陳氏崇禎庚辰流寇犯桐投塘而死

戴宏佖妻程氏崇禎己卯之亂氏有身將育因賊入室踰牆而走抱石投塘死舅姑與夫皆同日遇害

王景尼妻丁氏崇禎末年流賊攻桐攜女婦投水死

吳之德妻陳氏流寇猝至投水而死

子來橋烈婦崇禎乙亥賊攻桐時清晨持一美婦磔之東門橋頭後有自賊中逃出者言曾見其婦前一夕賊欲污之堅拒不從隨取酒盃破賊面賊恨甚因磔於市欲眾見之

蔡克復

懷甯志作諸生蔡復克

妻江氏江家懷甯賊薄皖城氏自母家奔

回省姑城陷罵賊被支解死

明末羅糾武妻常氏糾武四川梓潼人初爲桐副將廖應登中軍應登爲獻賊所執糾武竊攝軍事蓄謀叵測常每諫之不聽後糾武就縛常遂墜井死桐之人斂葬於西郭外從死者二人相傳爲常義妹養女云

桐城流寓

陳蕙貞字王應宿未嫁宿病父母迎女因毀容往侍藥八月見

宿難起夜半自經後六日宿亦歿事聞旌表建坊

潛山人下同

王嘉

一作統志素

科妻徐氏科病禱於家廟遂自經死科病遽瘳

諸生熊夢篆妻金氏夫歿不食哀號數日觸棺而死

陳廷選妻姚

府志誤作陳

氏夫亡殉節

王夢桂妻汪氏夫亡七日不食嘔血死

諸生徐益晉妻石氏流寇突至罵不絕口賊支解之

熊應輝妻盧氏崇禎末避賊蓮塘均賊至應輝被執盧運資給賊乞免賊殺輝擁盧上馬盧罵賊拔簪自刺其面血流被體投巖下麟冒不得死賊百計鉤取復喫血大罵被殺

王自鑪妻陳氏從夫侍舅姑於太湖崇禎十五年賊襲破太湖城被執紿釋其縛躍入塘中死鑪弟自錫妻謝氏亦被執賊見陳死防謝益力謝度難免奮罵被殺

朱嘉興妻余氏賊執上馬慟哭伏地被殺

桂昌妻張氏爲賊所執乘間躍入塘死

諸生王維甯妻嚴氏避賊皖城左逆破皖引頸受刃死

孫萬程妻徐氏諸生金道全妻劉氏俱見賊不屈被殺

孫玉妻金氏崇禎丁丑賊破虎頭崖投井死

林見妻張氏避寇虎頭寨賊攻急氏語見曰此寨旦夕必破汝善撫諸子遂投巖死

黃朝屏妻張氏歸黃生子四而夫歿年尙少隨姑陳氏苦守寇

至被殺次媳丁氏諸生廷才妻避寇白巖寨寨破抱子墜巖死

協理軍門史可法表其閭

舊志有黃輔時妻陳氏按潛山舊縣志陳氏無遇害事移入節孝

操高極妻聶氏夫亡守節媳陳氏諸生勝懋妻俱罵賊被殺

丁一驤妻石氏見賊不屈奮身投火死

諸生陳鉉妻胡氏夫亡守節寇至抱幼孫守柩不去賊欲剖棺氏伏棺上賊怒與幼孫同被害

吳之雅妻楊氏叛兵破皖被執不屈受刃而死

劉瓊妻張氏見賊將至急赴水死

夏贊妻王氏夫被賊執慟哭不食死

桂明命妻黃氏避賊白巖寨寨破投巖賊扶起奪刀自刎死

汪啟皋妻江氏早寡哀毀喪明叛兵陷皖城抱夫木主投飲馬塘死

鄉飲賓崔勝濬妻王氏流賊入境濬投崖死氏卽投水死兵備道史可法題義烈二字旌之

諸生陳明德妻李氏崇禎辛巳避寇白雲寨寨破被殺

諸生王宏度妻汪氏因夫與子諸生承夏俱死於寇避亂梅家

寨爲賊所偪投巖死王承商之母汪氏亦因賊偪投巖殞命

金正世妻傅氏正世負母避兵氏被賊執大罵不屈被殺

程紹伊妻林氏崇禎辛巳流寇入境厲罵不屈被割舌死

熊元祉妻王氏遇賊於太湖界牌石宣家塘元祉被殺氏赴水

死賊去子良材奔赴刺血尋屍歷數十屍始得血漬入焉抱歸

合葬材左手五指刺傷至老不能伸

葛某妻余氏嘉臣女爲賊所執憤罵不已賊以刃批胸貫背死

熊某繼妻某氏賊擄不從被殺

葉應暹妻金氏夫亡祝髮爲尼叛兵破郡城焚菴赴水死

王立士妻蔣氏早寡隨姑徐氏撫孤崇禎庚辰寇陷白雲寨被

殺

徐顯魁妻葉氏崇禎末年流賊至將劫子益尙之妻張氏力救

被殺張見姑死以氈裹兒擲樓外忿罵不屈賊又殺之

舊志有侯君錫妻梅氏黃之宗妻汪氏按二氏傳俱夫病封股以進獲痊與節烈不合且重見節孝此刪

呂怕妻雷氏怕死富兒李懋欲奪之雷聞自經柩前太湖人下同

朱乙妻申氏乙貧且病癰氏事之益篤乙亡自經遂合葬焉

呂薦妻宋氏薦赴郡試卒於客舍時氏有孕姑祕之氏覺嘔血不已還以頭觸棺死

朋至明妻侯氏夫亡侯年十九服闋自經死

監生韓希歆妻唐氏統志作韓歆妻唐氏因無子棄歸母家嗣聞歆死

哀號水漿不入口七日而卒

諸生阮之名妻章氏夫亡哀號不食姑年老泣曰若汝殉吾子吾將何依相持悲感氏遂忍死奉姑姑歿慟哭數日卒

詹大啟妻何氏青年夫歿撫孤世祥賊屠羅溪被執不屈賊磔

之世祥負母屍投巖死

戴君德妻沈氏流賊陷城同媳盧氏及兩孫女同赴水死

貢生吉大

縣志作天

助妻張氏遇寇殉烈

諸生胡翥鸞妻余氏被賊執觸石死

余從禮妻程氏爲賊所執勸夫速逃隨自經死

知州陳所學妻唐氏流賊入室大罵被殺

諸生章允瑞

縣志作允端

妻蔣氏貢生于國母崇禎壬午城陷被殺

女孫淑貞慟大母死伏屍號泣亦被殺

增生方訓義妻程氏遇賊不屈死女正姑以身捍母亦同遇害

廩監生沈文樞妻蕭氏崇禎壬午流寇陷城憤罵不屈死

黃應龍妻王氏同知之正母

一統志江南通志俱作之正祖母

崇禎壬午城陷

與媳劉氏匿儒學內賊索得之姑躍入火中死媳赴泮池死御

史黃澍疏云王死於火節比崑岡之玉劉死於水身染芹藻之香詔旌之

方矩妻李氏諸生兆祐

一統志作兆依

母崇禎乙亥避兵郡城傳聞矩

已遇害慟哭仆地不食三日死

諸生祝大士妻凌氏崇禎壬午流賊陷城罵賊而死

諸生聶亨祚

縣志作亨祚

妻黃氏崇禎壬午城陷被殺其子罵賊死

妾毛氏鍵戶自焚

王親寵妻陳氏脫簪珥爲夫買妾生子名端撫如己出叛賊犯城欲殺其子氏哀求不免遂罵不絕口賊并磔之

諸生范孫繩妻張氏武舉文龍前母崇禎末年避亂許家寨寨破遇害

汪正禮妻宋氏隨夫罵賊同時遇害

諸生劉必高妻余氏夫歿流賊倡境氏給長子外出以延宗祀
遂與幼子焚其居死

朱孫氏貢生朱大經母流賊陷城赴水而死

知府雷永祚妻汪氏崇禎壬午流賊陷城憤罵不屈遇害
國朝順治八年巡按上官鉉疏請建坊

陳良一妻阮氏歸陳五載而夫歿遺孤四齡聞寇猖獗恐爲所
污乃棄孤子隨自經死

諸生吳之瑞妻張氏寇至被執氏給免其夫與二子同撞石死

明史有傳

宿松人下同

張贊妻劉氏城陷贊因救父死氏亦同時遇害

吳岳妻殷氏與妾陳氏同聲罵賊死

袁洋

一統志作祥

妻何氏賊將至命子袁先攜孫逃與媳周氏同赴

水死

汪澤妻胡氏城陷遇賊不屈死

諸生徐行妻唐氏流寇掠之憤罵不屈被殺

劉之馥妻石氏寇至被執強之上馬氏自馬上躍入潭中死

李開妻余氏見賊將至情急投塘復受刃傷死

王登妻李氏遇賊不屈死

王士蓋妻史氏遭左兵亂被執不屈乘間投水死

張氏二女一適王一適黃同爲賊執俱堅拒不屈死

王柏妻李氏夫故自經

望江人下同

劉允若妻蕭氏見賊殺夫投之水遂罵賊亦赴水死

甘尙珍妻韋氏賊殺尙珍投於火遂罵賊亦投火死

曹某妻徐氏被寇強掠抱幼女從馬上滾入塘中死

國朝

順治年

諸生韓鼎微妻劉氏捐軀殉烈

懷甯人

周芬熊妻光氏歸周八月夫亡葬畢絕粒七日不死復以刀自

刎端坐而逝

桐城人下同
縣志列前明

廩生江迴妻夏氏迴應試金陵卒於邸氏聞訃水漿不入口覩

歸仰天一慟而絕

程觀妻邢氏夫病刲股以進弗愈悲號四月不絕聲而死

康熙年

牛宗元妻路氏夫歿無子隨自縊死

懷甯人

錢鐙燃

縣志作
錢燃

妻朱氏夫病刲股以救弗愈絕粒七日密切其

衣隨自刎死

桐城人
下同

戴聖哲妻方氏青年夫歿誓以身殉姑防閑甚密三月之後防
稍疏投水死鄰人撈屍不能動姑泣曰婦性素嚴謹必不以死

素男女之別我當親負之姑足甫落水屍躍躍欲上岸觀者無不起敬因立碑名烈婦塘是日聖哲豕裂數尺與之同穴焉諸生吳鴻志妻方氏孝事孀姑會盜至方先自匿聞夫冤楚聲奮出請代死初乞哀既厲罵遂與夫俱遇害

孫蓋臣妻方氏夫歿遺腹生女氏乃泣訣尊長捐飲食而死李楫妻高氏夫病刲股以救弗愈自經者再皆兄解救越數日赴水死

生員光廷瑞妻王氏夫死於孝氏再投繯家人救之遂絕粒死詹大功妻王氏適詹二年而夫歿越四日自刎死

江天錫妻楊氏夫病刲股以救弗愈斂畢不食創發九日死方西撫妻王氏夫歿無子號泣自經姑阻之遂鍵戶不食死

進士項紹芳妻潘氏母亡父幕游依外祖孫家孫欲擇配氏曰

幼字項氏子雖經亂阻不可忘孫知其性烈遂聽之紹芳成進士後以他事罹於法訃聞絕粒多日自經死婢采蓮亦縊死桂有章妻朱氏聞夫死於外水漿不入口七日氣乃絕左和妻錢氏夫歿投繯被解月餘密縫其衣引刀自刎死齊方越妻吳氏夫歿哀號毀瘠及小祚設奠靈前一慟而絕汪士洪妻王氏夫亡殉烈

龔自成妻蘇氏廣東惠州人成娶歸潛山復遠出有強暴突入欲污之氏力扼其吭大呼鄉鄰暴急齧氏臂得逃氏遂嘔血絕粒死知縣聞變往驗臂上傷痕陡起齒迹宛然時方盛暑日烈氏所居三里內忽雲霧陰霾半日始散遠近傳以爲異潛山人余宣妻馮氏年十九夫亡撫二子之吉之星成立之吉娶詹氏吉亡詹哀毀備至嘔血而死星生子旦娶王氏被賊執自刎死

知縣以一門三節褒之

太湖人

雍正年

汪興妻嚴氏夫亡葬夫及夫祖與父隨姑祭墓先歸自經死

太湖人

同

孫天祐妻張氏年二十祐病卽私誓曰設不諱當從夫地下及

祐死斷髮納棺引翦刺喉姑與母強奪之乘間自縊死

方才妻田氏夫亡守節夫兄欲令改適不從遂自刎死

宿松人

金仲祐妻曹氏夫亡絕粒七日死

望江人

乾隆年

徐景堂妻丁氏夫亡自經

懷甯人

江振明妻張氏夫歿苦守偕嫁不從自刎死

桐城人

方世庚妻孫氏夫游長安卒時氏尙少及夫柩返一慟而絕

林茂芝妻蔣氏夫亡服闋自經死

潛山人

諸生孫瑛妻劉氏瑛省試歸覆舟溺死氏慟不欲生因有妊數

月姑及伯姒力勸乃止及產一女遂以頭觸柱昏仆於地勺水不入口絕粒七日死

楊玉南妻汪氏夫亡赴水死

太湖人下同

唐肇周妻畢氏夫亡自經死

汪世承妻殷氏夫病刲股不效乘閒自經死

監生朱

縣志作殷

大壩妻陳氏夫病祈天願代及歿觸柱死

諸生張沛妻吳氏沛亡氏沐浴自經沛妹適同邑劉乘軾劉卒

亦自經以殉

宿松人下同

甘維麟妻張氏捐軀殉烈

監生蘇洪經妻徐氏夫亡託孤乳母自經死

黎大衍妻徐氏夫歿撫孤越四載舅卒有議婚者遂自經死

余郭妻虞氏夫亡殉節

望江人

嘉慶年

胡聲均妻鄭氏夫歿忍死奉姑越四年姑歿自經懷甯人下同

曹塢妻洪氏夫亡葬畢託孤於夫兄遂刺喉死

劉伯仿妻趙氏夫歿服除投繯死

陣亡何廷佐妻李氏隨舅與夫遷陝西商南縣嘉慶元年教匪

入陝二年賊攻營破之逃避不及見賊大罵被攢箭射死

朱玉麟妻陳氏適朱甫七月而夫歿隨絕粒死桐城人下同

孫昇原名妾林氏本姓呂林樹芳之義女嘉慶癸酉鼎幕滑縣適教匪據

邑戕官鼎遂遇害氏因慟罵亦同被殺

蔡某妻朱氏夫亡自經死太湖人

吳明啟妻司氏夫亡治喪畢自經死宿松人下同

方德廣妻徐氏同居周姓夫妻毆詈其妻避入徐房周以言侵

徐徐忿被誣隨自經

方春亭妻郭氏夫病篤祈以身代夜半自經死夫果愈

洪世賢妻柯氏夫亡服闋泣奠塋前投塘死

吳少美妻但氏夫亡族惡強嫁不從自經死

石秉靈妻陳氏早寡孤殤或強他適隨自經死

唐大妻項氏 何士俊妻吳氏

李承恩妻張氏寄居陝西賊匪偏脅捐軀殉難

道光介葉千祥妻李氏夫亡自經懷甯人下同

秦榮先妻陳氏歸省母家拒暴不從隨自縊死

陳正傳妻李氏年十七夫亡有議令改適者憂悶成疾死

汪賢高妻胡氏夫亡事孀姑二十年姑歿赴水死

陳龍和妻楊氏夫亡遺腹生子旋天投蓮池死

潘士楨妻李氏夫亡遺孤國耀撫養成立娶婦金氏未幾耀卒

遺腹生男勉金教育越數年營葬舅姑及夫畢謂家人曰吾當日未殉夫死者因祖棺未葬耳今祖葬孫成吾事畢矣次早投塘死

巡檢潘良淦妻張氏淦卒於廣西官寓氏聞訃不食以瓷鋒刺喉昏暈仆地復甦踰年迎淦柩回慟哭絕粒死

監生王國臨妻汪氏夫亡自經

縣志作觸棺

遇救復絕粒死

沈澤妻李氏夫病篤所以身代夜半自經

馬盛先妻斯氏歸馬甫月餘有蜚語侵之氏聞曰吾有以自明矣出所袖刀剖腹示之腸胃皆出復自斷其喉而死

徐懷五妻萬氏夫亡自經

陳奕芳妻蔣氏夫亡服闋自經

蔡用賓妻王氏家被火氏曰未亡人無外出理且夫既灰燼願

其之遂甘焚死

方傳法妻焦氏歲大水法以家貧偪氏改嫁遂自經死

王必魁妻陳氏夫歿孤天母家迎登舟行至江家壩投水死
邵應貴妻黃氏夫亡投水死

生員邵昌植妻吳氏植囚赴金陵鄉試病歿氏聞之絕粒死

楊名炳妻王氏年二十二夫歿觸棺泣血數日而死

金龍友妻馮氏年二十八夫亡因偪改嫁隨自刎死斂時其髻
中匿鍼無數衣服周紉不可解族人敬之送其棺至會宮與龍

友合葬

桐城人下同

湯廷爵妻王氏年十八歸湯踰年夫歿遺孤又殤迫小祥祭畢
閉戶自縊死

汪誠恆妻王氏夫亡殉節

黃啟萬妻王氏夫因家貧傭工於外鄰人從旁戲謔王聞之慟哭服毒死

項某妻黃氏夫亡殉節

胡維翰妻方氏夫歿後八十日閉戶絕食死

附監生劉開妻倪氏聞夫死於毫一慟幾絕及柩回以頭觸棺死而復蘇者數次翌日閉戶自縊死

朱鳳山妻疏氏鳳山病氏籲天飲泣願以身代家人利鳳山死欲先遣氏氏知之泣告鳳山及鳳山歿隨投池死

陳錚

縣志作裕錚

妻楊氏夫歿有遺娠生子旋天乘間赴池死

徐萬鍾妻施氏年二十二夫歿聞倡改嫁隨自縊死

潛山人下同

劉榮昌妻烈婦盧氏夫病危亟以身代自縊死

戴世烘妻孫氏夫歿閉戶自經

太湖人

生員梅先馥妻何氏夫亡殉節宿松人下同

張彥仁妻何氏夫歿二子繼殤氏自經

曹沛縣志作沛施妻熊氏夫歿孤殤氏不食死

石志道妻祝氏夫歿遺腹生男不育觸棺死

石挺秀妻曹氏吳方柜妻祝氏俱夫歿服闋自盡

司以魁妻石氏 唐正直妻洪氏 諸生黃視堂妾趙氏

柴廷燦妻陳氏 余世厚妻楊氏 鄧懋勳妻吳氏

唐耀道妻陳氏 徐家孚妻周氏 廩生劉儲楨妻司氏

陳開瓊妻張氏 諸生石鈴一作葉鈴妻洪氏以上夫亡殉烈

余銘籍妻吳氏夫歿守節事姑姑歿氏絕粒死

程銑妻唐氏夫歿嗣子夭葬夫畢投塘死

咸豐 千總徐國安繼妻節婦黃氏在余家灣避亂攜女投水死懷寧人下

同

監生程玉妻陳氏因夫罵賊被殺隨自縊死

徐淮妻查氏程康炎妻張氏方奕宏妻侯氏李泰交妻洪氏俱夫亡守節遇變殉烈

孫汝昌妻馬氏吳畢生妻劉氏皆夫亡守節遇變殉烈

桐城人

諸生徐賢昌妻儲氏與夫同侍姑病賊至夫被執氏給賊釋夫負姑去引翦自刺死

潛山人下同

江宜廷妻葛

一作郭

氏因夫陣亡罵賊殉烈

鹽經歷李世臣妾陳氏廣東人咸豐四年城陷賊入室世臣力鬪死氏持利刃刺傷二賊眾環攻之反刃斷喉死

太湖人下同

監生李湘齡妻吳氏夫亡守節護父殉烈

王春和妻查氏因侍夫病未避夫被賊害隨投水死

王某妻劉氏夫亡守節遇變殉烈

陳仲篪妻董氏夫亡守節遇變殉烈

望江人下同

魯維新妻龍氏因夫被擄隨投水死

重修安徽通志卷二百六十八

人物志

列女節烈二

安慶府

同治年

吳尙廣妻何氏因夫陣亡攜子女投塘死

懷甯人下同

汪鴻猷妻湯氏因夫投水隨與女亦投水死

童美彰妻王氏因夫服毒隨即自盡

千總趙玉龍妻雷氏因夫與子俱遇害隨投塘死

楊聚餘妻吳氏陳芳與妻張氏皆因夫遇害隨赴水死

高榮清妻蔡氏因守夫柩未避與幼子女並被賊殺

馮永成妻周氏因夫遇害隨投江死

吏員方傳璪妻陳氏夫亡甫七日即以身殉

曹世烈妻洪氏年二十八夫歿家貧因勸改嫁隨刺喉死

吳士芬妻李氏與子由元妻方氏皆夫亡守節遇變殉烈

姜昌達妻王氏守節多年與婦女及外孫女杜改生同投井死

馬忠

一作鍾

元妻李氏在桐城母家守節因賊眾至護母被殺

汪師桂妻徐氏守節二十年在潛山楂水阪避亂投水死

諸生丁傑妻李氏守節二十年遇變抱幼孫女投塘殉烈

丁啟明妻查氏守節十六年遇變隨婦叔姑鳳臺妻查氏投水死

丁志議妻節婦操氏遇變攜幼子女投水死

任孝瀛繼妻節婦吳氏遇變攜幼女投塘死

胡萬吉妻黃氏

楊懷鼎妻丁氏

潘峙東妻蘇氏

吳熙妻謝氏

張家孚妻胡氏

陶志齊妻姚氏

彭煦亭妻吳氏

夏汝昌妻葉氏

劉朝春妻汪氏

劉廷桂妻何氏

楊壽先妻陳氏

童效明妻嚴氏

楊誼仁妻陳氏

董嗣曾妻沈氏

監生王森母陳氏

潘琴夫妻徐氏

潘萬郁妻譚氏

王澤滋妻徐氏

汪新第妻丁氏

查升蔚妻李氏

楊禮盛妻鄭氏

程啟發妻孫氏

孫永正妻陳氏

曹大喜妻鄭氏

王聲揚妻張氏

丁發名妻徐氏

從九汪榮妻金氏

何祖德妻汪氏

甘聲著妻鄭氏

張文瑛妻金氏

守節遇
變殉烈

姚芳林妻陳氏方緒澄妻張氏俱聞夫陣亡自盡

桐城人
下同

毛春林妻華氏聞夫被擄隨即自縊

馬先甲妻張氏夫被賊執氏奔救並遇害

吳彭年

一作恆

妻胡氏代死而免其夫

方百順妻胡氏姑瘋難行常負以走因賊殺夫遂投河死

姚葉連

一作蓮

妻方氏因夫受傷身死隨即投水死

張聰讓妻劉氏夫歿撫孤守節賊將至託孤姻家曰庶姑病子無去理不幸隨姑死願爲我留此以存夫祀明日賊至遇害

周克諧妻章氏夫卒守志舅病刲臂救之後遇捻赴水死

吳肖巖妻節婦徐氏護姑避亂因姑病歿隨即自盡

吉安府經歷余焯妻吳氏妾袁氏因夫自刎隨其縊於署中

浙江候補知縣方華妻何氏因夫與子縣丞堃皆陣亡隨即自

縊堃妻方氏隨姑自縊堃妾周氏投水以殉合家同投水死

唐德田妻許氏因侍夫病不能遠逃適賊至被偪不從抱女投

塘死

姚國珍妻王氏因夫病難逃以繩先繫子女復繫己與夫同投塘死

吳方氏職員繩武女因賊殺夫隨投水死

張聲聞妻黃氏因賊將殺夫以身護夫夫仍被殺隨投水死

張昌環妻劉氏因賊殺夫泣抱幼子投水死

諸生李晉康妻張氏聞夫禦賊身亡隨絕粒死

諸生姚寶同妻方氏因夫被害隨投井死妾鄭氏痛哭不已亦被賊殺

姚子齡妻吳氏鮑元成妻伍氏皆因夫被殺隨絕粒死

六品軍功周松齡妻汪氏聞夫陣亡隨卽自盡

左步蟾妻吳氏見賊殺夫與子因大罵亦被殺

鹽知事吳翼贊妾節婦周氏因護祖宗神主未避被賊殺死

教諭方德妾劉氏賊陷城猶懷夫小照與子性連並被殺

李錦材繼妻楊氏見夫被擄痛不欲生投水遇救呼避不往媾
母哀之偕匿壁中賊破複壁仍投水死

姚貞頤妻余氏聞夫遇害隨服毒死

諸生雷銘鐘妻汪氏與叔姑雷動之妻葉氏皆夫亡守節遇變
殉烈

諸生吳振妻張氏粵逆陷城見夫衣冠詣學宮知其必死隨即
投井以殉

諸生蘇復妻汪氏聞賊入境屬子將夫柩速出隨投水死

蘇求經一作能妻邵氏在山中避亂聞夫遇害奔回斂畢隨即投

水死

楊省愚妻節婦蔣氏侍姑未避因賊殺姑隨自刎死

劉會妻方氏因夫被擄隨投水死

方傳稔妻節孝朱氏年八十餘因病未避賊偪歸女館不從氣絕而死

吳臣紳妻節孝張氏城陷被賊斫死

詹樂芹妻方氏因夫遇害隨投水死

王修紀妻曹氏聞賊殺夫痛哭憤罵隨即自盡

吳百川妻左氏因賊殺夫隨投井死

張澤鄉妻王氏

姚標一作姚

妻汪氏

張傳榮

一作柳門妻潘氏

徐孟揆妻胡氏

胡正芳妻陳氏

典史張傳尹妻光氏

彭效忠妻黃氏

王柏蔥妻陳氏

陳律玉妻都氏

劉子和妻葉氏

錢儒林妻江氏

陳全盛妻許氏

朱兆麟妻倪氏

劉書齊妻嚴氏

蘇彬繼妻鄭氏

左石華繼妻張氏

許興麟妻錢氏

許靖

一作

淮妻殷氏

許虎生妻殷氏

鄭志陶妻倪氏

葉楷廷妻黃氏

葉攀蟾妻章氏

白尚節妻王氏

石壽奎

一作

妻邱氏

章鳳年妻嚴氏

章掌珠妻周氏

齊禹謨妻王氏

齊春一妻伍氏

鄒枚妻唐氏

徐觀成妻都氏

通判徐森妾萬氏

汪恆山妻張氏

黃繩曾妻王氏

諸生洪焯妻程氏

吳有德妻朱氏

吳西垣母劉氏

余月恆妻吳氏

從九光變妾黃氏

監生周公駿妻崔氏

張聰槃妻王氏

汪寶成妻朱氏

姚子猷

一作

妻鍾氏

朱盛全妻吳氏

許寶倉妻束氏

陳得桂

一作

妻汪氏

姚支榛妻方氏

姚鴻莊妻陳氏

文生張元馭妻高氏

許森妻胡氏

文生李懷清嫡母鮑氏

以上夫亡守節遇變殉烈

儲庾東妻劉氏痛夫陣亡罵賊被殺

潛山人下同

儲波濤妻胡氏因賊殺夫隨投繯死

蔣瀛洲妻汪氏因夫陣亡隨姑王氏罵賊並被賊殺

蔣顯名妻余氏因賊殺夫及子隨投塘死

王松巖一作岩妻程氏因夫陣亡攜女投水死

劉國宜妻汪氏聞夫被碰死隨卽投河以殉

尹漢陽妻黃氏夏學立妻蕭氏皆因夫陣亡隨自縊死

操鳳高妻黃氏因夫陣亡罵賊被殺

孫見恆妻虞氏聞夫陣亡自縊未死復被賊殺

儲道行妻吳氏聞夫陣亡隨卽殉烈

王朝瑾妻趙氏因夫遇害憤罵不已被賊打死

汪丙山妻陳氏因夫死難子被擄罵賊不止被推入水死

廩生儲寅妻陳氏聞夫嘔血殉節隨自縊死

監生汪魁妻余氏因夫遇害自縊未死復被賊殺

傅有綬妻萬氏因夫死於賊隨投水死

儲恩煦妻王氏

徐應美妻彭氏

鄭五森母陳氏

黃遠渚妻朱氏

葛起梁妻江氏

儲首

一作再

吉妻程氏

王華榮母儲氏

王金瑞母龔氏

曹五四母儲氏

楊正廣母范氏

程廣盛妻方氏

黃翰生妻朱氏

劉德佩母汪氏

王金聲妻桂氏

以上夫亡守節遇變殉烈

汪居安妻節婦冷氏聞賊將至攜子及媳赴水死

太湖人下同

汪盛林妻劉氏

吳盛儀妻張氏

汪王

一作

士燮妻周氏

侯承慶妻倪氏

張一凡妻何氏

劉吉從妻陳氏

劉純仁妻任氏

石彭裔妻侯氏

陳小卓妻宋氏

李質彬妻殷氏

李申榮妻鄔氏

路芝仙妻姚氏

劉法良妻汪氏

文生劉舉森繼妻朱氏

章義春妻呂氏

以上夫亡守節遇變殉烈

張朝訓妻舒氏因賊眾至護舅及夫並被砍死

雷鳳德妻郝氏賊至護夫並被殺死

路惠風妻余氏痛夫被害隨絕粒死妾李氏亦恨賊害夫痛罵不已被賊焚死

王永風

一作豐

妻吳氏因夫陣亡罵賊殉烈

章遵伊妻葉氏因夫陣亡怒罵被殺

職員王向榮妻查氏痛夫遇害隨投井死

石維昭妻阮氏

祝鳳岡妻趙氏

監生陳泉源妻楊氏

周梓翹妻舒氏

劉敦芳妻查氏

黃鈞堂妻張氏

姜丹桂何氏以上夫亡殉烈

浙江巡撫諡壯節羅遵殿妻徐氏賢淑勤儉惠周戚族咸豐十

年杭城陷遵殿死之徐與婦女陳穎秀妻羅氏通書史封股療母疾夫歿無子

隨父姪婦羅周氏等自經以殉僕婦金梅氏已出城矣感恩義

復入城從死宿松人下同

文生胡寶昌妻羅氏夫歿自經遇救立嗣葬夫畢絕粒卒

監生張拱辰妻石氏兩次封股療夫夫歿待叔氏生男立嗣營

葬撫棺一慟嘔血卒

尹璞山妻黃氏夫歿立嗣營葬畢絕粒死

石質醕妻祝氏夫歿遺腹子殤氏自縊

吳斧修妻虞氏夫歿孤殤自經

胡煥文一作煥川妻李氏夫歿姑卒遺腹女殤自縊

徐寅賓妻陳氏夫客死槐歸氏投塘死

余憲典妻賀氏夫歿自刎遇救立嗣葬夫畢投水死

胡樹藩妻周氏吳興菁妻尹氏張秀坤妻汪氏吳封嶽妻虞氏

王采芹妻劉氏王新喜妻虞氏王家駒妻張氏俱夫亡殉烈

龔布昭妻唐氏聞賊殺夫隨自縊死

石恆得妻徐氏救夫被殺

黎瑞三妻何氏因夫被擄隨自縊死

龔蘭台妻石氏見賊殺夫因罵賊亦被殺

殷廣春妻石氏因賊殺夫隨投水死

江玉盤妻石氏 石芹藻妻劉氏 生員王司牧妻陳氏

梅雁皋妻陳氏 生員梅任葵繼妻何氏

柳春華妻胡氏 柳有才妻張氏 劉黎清一作妻凌氏

彭金秀妻鄒氏

彭葆光妻朱氏

高德謨妻李氏

石春圃妻虞氏

石熾昌妻趙氏

羅立昆妻劉氏

洪雨霞妻石氏

徐青庭妻何氏

汪功勳妻朱氏

葉敏恪妻石氏

葉周庭妻賀氏

朱漢江妻周氏

陳則丁妻李氏

陳傅巖妻洪氏

齊遇隆妻李氏

何春泉妻張氏

張伯勳妻劉氏

詹逢昇妻柴氏

鄭鎔經妻曹氏

鄭副懷妻吳氏

趙世晁妻楊氏

高三貴祖母王氏

周洋得祖母余氏

祝張氏

祝學老伯母一作祝序母

王菊懷母吳氏

高懷松母周氏

田鳳珠母李氏

張吉兆母吳氏

黃永茂母劉氏

劉高寄

寄一作記母洪氏

吳成章母石氏

劉改林母朱氏

石禧江母劉氏

黃水生母楊氏

何厚桂母吳氏

鄒接宗母吳氏

劉玉田母張氏

周春榮母李氏

生員梅桂嫂石氏

何藻江嫂陳氏

史奏愷妻柴氏

舉人趙世暹媳羅氏

胡步蟾妻周氏

趙孟道

一作媳桂氏

以上夫亡守節遇變殉烈

胡應衡妻商氏聞夫陣亡擗地腦破死

望江人下同

夏鳴鑾妻汪氏聞夫陣亡隨投水死

倪人馴妻鄒氏隨夫在蘇州避亂因夫遇害攜幼女赴水死

劉茂傳妻章氏

陳遴才妻何氏

周思煌妻余氏

韓樹昌妻章氏

周紹堂妻虞氏

汪義和妻姚氏

袁發高妻熊氏

何心田妻嚴氏

徐宏學母劉氏

常文祥妻徐氏

以上夫亡守節遇變殉烈

光緒年

廩生朱銘庸繼妻丁氏

懷甯人

汪振業妻倪氏青年夫歿因有欲奪其志者隨自縊死

桐城人下同

汪紹榮妻王氏夫病刲股莫救死後三年終喪屆期服毒自盡
時年二十七歲

王杏和妻江氏年二十八夫歿苦節四年閨賊至投水死

羅良成妻張氏文章胡祖培妻蘇氏文章林寶安妻方氏皆遇
變殉烈

王步月妻石氏年二十一夫歿守節七年姑卒葬畢投繯自盡
太湖人

徐有先妻司氏

宿松人

監生葉其德妻謝氏

望江人下同

陳先緒妻范氏

監生陳吉妻吳氏

龍其昌妻宋氏

文章吳學官妻朱氏

以上夫亡殉烈

旌盛年
分未詳

高華祿妻黃氏少寡撫孤山居遇賊厲罵被殺

桐城人下同

吳南薰妻唐氏夫歿叔舅欲奪其志氏泣拜宗祠歸卽自經死
吳潤山妻何氏青年夫歿忍死奉姑及姑卒服除隨卽自盡
汪文周妻胡氏年二十八夫歿隨赴水死

汪曉逢妻丁氏因夫病難起先雉經而亡

汪志田妻方氏青年夫歿踰月沐浴自縊死

汪師俊妻湯氏青年夫歿日夜哀號甫及五日自盡身亡

胡能生妻吳氏家被火夫病卧難起氏挽之出不得遂俱死

胡正綱妻李氏夫歿家貧族隣助歛葬夫旣畢隨投繯死

胡燦南妻吳氏夫病刲股以救弗愈觸棺流血悲哀過甚而死

錢孔先妻徐氏夫歿歲荒內外謀強嫁氏知難拒慷慨投繯死

錢鍾玉妻陸氏夫歿勸之改嫁不從痛哭絕粒死

章大椿妻錢氏夫歿家貧姑恃養於叔值歲荒叔將強嫁氏持

刀相拒得免叔責養姑攜子乞食以養及姑卒遂卽餓死

許季周妻都氏歸季周育一子而夫爲株累入獄氏節食飲資
餌獄吏善視之踰月賊突至城陷氏懼辱避去聞訛言季周見
殺子已被擄乃自經

章懷珠妻汪氏夫歿家貧姑強改嫁氏偵知之乘閒自經死

周秉源妻王氏夫歿家貧族戚謀奪其志誓死撫孤及孤殤復
謀強劫氏知不可免閉戶自縊死

周述度妻王氏夫歿無子舅姑先死族匪謀強嫁氏因自經死
陳源閑妻張氏年二十四夫歿殯斂旣畢隨投池死

劉春枝妻黃氏夫病刲股罔效及小祥將葬乘閒自經死

左合川妻王氏夫死於水撫屍慟絕家人扶入室旋自經死

蔣廣居妻伍氏夫歿後家被火負姑至竈前燄衝難出皆焚死

盛崇高妻吳氏崇高溺於水氏奔救不及亦赴水死

杜立莊妻王氏夫歿家貧母家欲改適氏聞之懷石投井死
乙巳荒歲烈婦乾隆時人夫家欲鬻之以度饑歲婦恥再適逃
歸母家死

唐雲先妻王氏雲先因家貧遠出隣有強暴賁夜踰垣入室氏
堅拒怒喊強暴逸去氏號泣隱忍夫歸哭訴其事隨投繯死
張同雲妻姚氏隨夫官廣西夫卒苦守梧州陷殉烈

陳汶波妻汪氏夫歿守節舅姑病俱刲股救之後遇賊自縊
知縣吳爾慶妻張氏河南光州女爾慶任麗水卒於軍氏吞金
殉節麗水人爲合葬括蒼山下

知府張同登妻施氏同登在雲南祿豐陣亡氏聞訃吞金死
張文彬妻洪氏吳雲波妻朱氏陶鑒傳妻汪氏俱聞夫陣亡隨

卽自盡

吳松楠妻唐氏聞夫被賊害赴水死

方品三妻趙氏夫被害亦罵賊死

江質彬妻詹氏陳長發妻韓氏俱夫被賊擄氏聞自經

錢可矣妻張氏家貧甚紡績以助菽水夫歿氏自縊死

陳取新妻何氏夫歿孤殤氏自經

左其賓妻王氏嘗割股療母夫歿赴水死

朱勝祥妻汪氏因賊殺夫擄子隨自縊死

彭元長妻秦氏夫亡斂畢泣血不止閱三日死

劉炳南妻路氏夫歿家貧守節孝姑越數年無以爲養氏自縊

蘇域一作聿妻程氏夫亡守志母家憐其少爲議婚氏閉戶自經

方仲賢妻一作聿汪一作王氏夫亡殯斂後七日自經

錢愛枝妻章氏六安人愛枝病歿氏自經

何紹昂妻徐氏夫病兩次刲股莫救隨自經死

姚鴻瑞妻邢氏

方曉春妻秦氏

吳啟玉妻黃氏

吳明發妻陳氏

吳德操妻唐氏

吳克啟妻查氏

吳春發妻劉氏

吳德容妻楊氏

王忠培妻康氏

姜汝德妻吳氏

錢月桂妻張氏

潘義接妻張氏

汪竹林妻張氏

黃明來妻伍氏

黃樹勳妻楊氏

陳秉聰妻張氏

何期珍妻徐氏

曹上達妻方氏

曹某妻方氏

湯餘庭妻項氏

詹和睦妻方氏

查正起妻王氏

左新太妻葉氏

李延齡妻吳氏

許蘭卿妻胡氏

蔣肇基妻倪氏

戴某妻許氏

以上夫亡殉烈

吳滿珍妻尹氏

江先慎妻楊氏

陳名遠妻朱氏

陳得貴妻錢氏

章錦榮妻項氏

林炳順妻張氏

李浦南妻方氏

尹汝偕妻張氏

吳于飛妻范氏

以上聞夫

死難
殉烈

張某妻左氏夫早歿氏隨母避亂遇賊投水死

縣志凡三見一
無事實二同

張開益妻左氏

張壽謙妻左氏

張承烈繼妻董氏

張用賓妻徐氏

姚葆坤妻張氏

方聖功妾何氏

方曉午妻吳氏

吳聿和妻王氏

吳言敏妻方氏

徐克儉妻丁氏

倪子謙妻王氏

胡子勤妻夏氏

周相助妻錢氏

江汝舟妻尹氏

彭常春妻王氏

彭善長妻李氏

彭鴻德妻甘氏

王坤妾李氏

王立宮妻江氏

楊謹嚴妻吳氏

錢銀竹妻周氏

陳文盛妻張氏

陳子和妻葉氏

陳尊五妻劉氏

陳芝瑞妻艾氏

潘令璋妻左氏

疏穀貽妻洪氏

汪志宣妻程氏

黃紹裘妻孫氏

都澧繼妻程氏

都學滿妻姚氏

陶禎祺母錢氏

章承基妻李氏

章魯瞻妻李氏

章佩和妻許氏

丁萬興妻楊氏

施有才妻唐氏

李環生妻江氏

戴存宋妻王氏

鄭某妻葉氏

葛維則妻葉氏

以上夫亡守節遇變殉烈

馬高模妻王氏夫歿撫孤未幾孤夭撞壁吐血死

落山人下同

林恩捷妻李氏恩捷贅於李甫五月而病歿氏卽自經死

林榮稠妻儲氏夫病刲股不效遂絕粒死

盧厚坤妻張氏夫亡遺腹生女飲冰死

董嘉煥妻汪氏夫病刲股和藥弗愈立姪爲嗣服闋設祭畢觸

石死

太湖人下同

徐聘三妻韓氏家貧夫欲鬻之氏泣曰妾願窮死不願再嫁夫不聽氏聞有成議沐浴更衣自經死

朋長易妻張氏夫病刲股以救弗愈氏亦絕粒而死

張苞妻仇氏苞幼染瘋疾苞父辭婚氏不許卒歸苞苞死立姪爲嗣族惡覬氏產業構陷之遂嘔血死

朱南山妻胡氏夫亡自經

劉品妻王氏拒暴不屈死

監生韋起鳳妻張氏夫歿誓殉服鉛投繯五次俱救免後忽求養食家人喜其心轉亟與之連啖十餘枚閱旬餘腹痛甚劇乃泣告妯氏前食養時已裹吞瓷片矣輾轉月餘腸潰而卒

監生潘正德妻胡氏夫歿遺腹生男及四歲知不母可活乃引上夫墓反不食數日嘔血死

文生石介妻查氏

祝高林妻方氏

劉含美妻徐氏

汪東昇妻查氏

詹鴻業妻胡氏

監生聶俊秀妻李氏

文生聶英妻雷氏

魯葆元妻陳氏

文生嚴鎧妻韓氏

查雲章妻陳氏

李星榆妻倪氏

提督李金榮妾姚氏

劉發軻妻王氏

以上夫亡殉烈

周原集妻郝氏監生王士暹妻黃氏俱夫亡守節遇變殉烈

劉孟妻石氏青年夫歿孤又早夭隨投塘死

宿松人下同

周從圃妻彭氏周希樊妻彭氏皆夫亡殉烈

石潤春妻嚴氏夫歿遺兩月女立子承祧逾年女夭嗣子復病

刺氏曰吾命當孤不死恐此兒難續夫後遂絕粒死

曹邦學妻童氏從夫避兵以子授夫遂投水死

望江人下同

何兆熊妻宋氏夫亡欲殉如姊以撫孤勸解越八年復絕粒死

王永江妻龍氏夫歿孤夭遂絕粒死

朱紹先妻虔氏夫亡絕粒以殉

朱宗泗妻宣氏夫歿遺腹生男撫至三歲卽託夫弟遂自經死

何陟

一統志江南通志俱作振

妻朱氏夫客死嶺南氏聞訃自經死

柯渭陽妻汪氏夫歿無子自經以殉

龍齊望妻方氏夫亡引刀欲殉家人以姑老子幼勸止乃割耳

剪髮投棺中未逾年姑歿子天遂絕粒死

何懋榆妻夏氏夫溺死氏於夫死處自沈越七日夫婦尸相攜

浮出

生員汪達妻余氏夫病篤氏禱以身代未幾病歿夫果愈

林德宏妻李氏卽象德妻龍氏俱因夫死難殉烈

何啟昆妻夏氏

夏文菴妻汪氏

劉有教妻金氏

湯克順妻彭氏

吳光蕃妻金氏

韓輝騰妻夏氏

劉允若妻蕭氏

甘尙珍妻袁氏

曹某妻徐氏

吳春妻許氏

以上夫亡殉烈

胡先昇妻商氏夫亡守節遇變殉烈

附寄籍

寄居懷甯上元人呂裕全妻楊氏夫亡殉烈鄒錦章妻郭氏聞夫遇害隨服毒死呂立章妻節婦金氏因賊陷城投繯自盡劉升卿妻節婦丁氏子被賊擄患瘋痰死江甯人丁萬成妻魏氏年二十九夫歿哀毀絕粒死宛平人韓光第妻趙氏避亂桐城東鄉救夫被殺

寄居桐城山西聞喜人翟成章妻余氏年二十八夫歿家貧或勸改適答以窮餓自甘遂乞食度日因賊陷城攜女投井死浙

江仁和人汪錫智妻姚氏桐城姚東之女夫病刲股莫救視含斂畢隨絕粒死

旌
附錄

楊名正妻朱氏年二十夫歿因勸改適自經

懷甯人下同

汪正桡妻谷氏年二十三夫歿苦守一年有勸改嫁者正色斥之往夫厝宅慟哭卽於是夜自經死

何以貴妻楊氏事姑極孝夫遠出數年杳無音信姑偪改嫁隨卽自盡

王槐青妻江氏鄰婦曹姓屬作鍼帶酬以手工百錢氏不肯受復酬以石鐲約值數十文其夫疑之因與不和氏冤憤莫白赴水死

生員張天烜妻江氏馬協恭妻魯氏於興讓妻謝氏毛書鼎妻吳氏盧德慶妻殷氏程之發妻柯氏俱夫亡殉烈

千總何祖法妻張氏馬步瀛妻舒氏皆因夫陣亡自盡
府經葛炳綸妻雷氏雷秉楠之女隨母節婦雷周氏避亂蘇州
因賊陷城自盡

章宏彥妻劉氏乞食養姑守節三十三年被賊用熱水澆死
張友裡妻王氏守節三十五年賊至與子媳及三幼孫同投水
死

楊起院妻吳氏劉功成妻汪氏皆因夫死難隨投水死

胡昌灼妻方氏 王聲泰妻張氏 王章棨妻劉氏

鄧朗潤妻高氏 余幹才妻戴氏 金鳳吟妻唐氏

楊彝陞妻陳氏 朱在盤妻胡氏 生員胡錦雲妻江氏

江德和妻胡氏 陳相庭妻朱氏 劉同定妻沈氏

梁衛行妻余氏 馬孝泰妻周氏 謝錦福妻雷氏

徐生定妻韓氏

胡先愷妻陳氏

裴玉台妻楊氏

孫述綸妻胡氏

查怡之妻程氏

汪策芝妻葛氏

產同寅妻潘氏

產同道妻曹氏

王孝章妻程氏

以上夫亡

守節遇
變殉烈

知州張同聲妾趙氏同聲官膠州遣氏歸桐欲嫁之氏執不可

後聞同聲卒仰藥死

桐城人下同

張恆貞妻都氏夫亡有偈嫁者氏以刀自誓不數年歿

張守愚妻金氏夫亡子天氏泣血死

方宗海妻姚氏嘗刲肱療母宗海歿仰藥死

方培植妻徐氏夫亡守志水災餓死

吳西勝妻王氏夫歿家人欲嫁之氏投繯遇救以憂鬱嘔血而

死

左梅溪妻劉氏梅溪督練禦賊被擄氏赴水死

吳耕和妻徐氏吳義和妻王氏俱夫被賊擄氏自盡

吳寶成妻柏氏夫歿撫遺腹子守節同居欲奪其志氏自經

吳梅皋妻何氏夫歿二子繼殤氏請姑立嗣或告曰姑立嗣卽
遣汝矣氏自縊

胡梓儀妻洪氏楊南濱妻許氏錢時茂妻左氏劉榮貴妻張氏
施合一妻伍氏史輝庭妻楊氏俱夫被賊擄氏赴水死

周鳴諧妻汪氏劉日明妻張氏汪謙翁妻曹氏曹國梓繼妻程
氏左尙勩妻徐氏俱夫歿有欲奪其志者氏自盡

楊某妻胡氏夫緣事逃氏乞食尋之有告以夫死者氏自縊

楊懷妻左氏懷困溺妻氏自刎死

陳柏順妻某氏楊光祖妻鍾氏黃宗謨妻慈氏馬白妻方氏俱

聞夫陣亡自盡

黃某妻伍氏早寡夫兄強嫁之氏以翦刺喉死

陶鵬飛妻高氏夫被賊執氏求自代俟夫去赴水死

施嚴妻劉氏嚴以不情事相偏劉恚憤自經

左慎理妻李氏菖蒲塘烈婦某氏俱夫被賊殺自盡

楊光源妻方氏吳熒繼妻都氏吳月桂妻都氏俱慟夫被害罵賊死之

某烈婦攜子乞食自言夫歿家人欲奪其志故至此未幾母子皆死

吳小春妻王氏夫亡殉烈

陳鳴善妻劉氏夫病刲股罔效自刎遇救復自經死
汪宜蟾妻劉氏夫歿憂鬱成疾葬夫事畢飲凉水死

羅良辰妻張氏夫歿慟與幾死及禪祭畢自經

姚家亨

一作亭

妻徐氏夫病刲股莫救及服闋不食死

許連祥妻節孝張氏賊將至桐勸逃不去城陷被殺

張某妻汪氏居陶冲驛守節五十餘年間賊至投塘死

姚東之妾楊氏

方碩妻姚氏

方維義妻徐氏

方代璫妻何氏

吳溥望妻查氏

吳溥惠妻湯氏

吳蒼璧妻黃氏

江孔時妻鄭氏

徐某妻方氏

孫吾女

謝某妻李氏

何衍祖妻張氏

劉爲陵

一作鄉

妻吳氏

阮福林妻王氏

馬萬全妻吳氏

許景文妻高氏

張松茂妻潘氏

吳勳成妻方氏

徐奎妻方氏

錢改之妻張氏

嚴繡泰妻江氏

李彪妻程氏

戴永好妻某氏

以上夫亡殉烈

姚承寬妻鄧氏

方汝霖妻疏氏

錢華祝妻陶氏

湯鴻恩妻薛氏

湯玉音妻吳氏

方久安妻楊氏

王肸僑妻曹氏

王華林妻高氏

許某妻某氏以上夫死難殉

烈

張仲一妻崔氏

張莘畊妻光氏

張秀東妻葉氏

張大貴妻何氏

姚支樸妻吳氏

姚昌光妻葉氏

姚守紳妻劉氏

姚厚山妻張氏

方華早妻伍氏

方在如妻陸氏

方命三妾趙氏

吳一德一作益得妻朱氏

吳理心妻洪氏

徐觀臣妻王氏

徐才發妻朱氏

胡映元妻魯氏

王荃妻崔氏

諸生王其聰妻方氏

楊子家妻方氏

楊景梅妻劉氏

錢勁生妻吳氏

陳仿朝妻李氏

陳桂香妻羅氏

陳德恆妻吳氏

朱嵐齋妻姚氏

朱撝齋妻鄒氏

朱方來妻鮑氏

朱儒衛妻章氏

朱恩榮妻姚氏

劉懷青妻吳氏

黃聖雨妻孫氏

陶鳳儀妻瞿氏

余生妻吳氏

程某妻張氏

光朝俊妻李氏

光阿軒母李氏

齊遠德妻高氏

丁宏道妻殷氏

左崇嶺妻周氏

李汝柏妻傅氏

史子俊妻吳氏

伍禮林妻金氏

伍敬林妻楊氏

項培源妻吳氏

璩根遂妻桂氏

璩林彩妻高氏

陸正青妻楊氏

葉廷賓一作子壽妻趙氏

筮七彭妻陳氏

閻繼宗妾曹氏

以上夫亡守節遇變殉烈

監生儲豫章繼室周氏早寡誓以身殉姑力阻之泣至喪明而

死潛山人下同

葛顯梅妻陳氏

朱昌運妻余氏

縣丞徐鼎繼妻芮氏

劉致祥妻葛氏

儲萬祇妻吳氏

汪恭執妻熊氏

陳同德妻葛氏

以上夫亡殉烈

李敦福妻丁氏夫被賊執冒死往救被殺

儲枝柏妻劉氏慟夫陣亡自刎

儲枝冬妻王氏慟舅與夫陣亡罵賊被殺

張茂林妻孫氏朱墨林妻王氏俱慟夫被殺赴水死

崔啟明妻劉氏啟明謫餉遇賊被殺氏觸石死

劉千瀝繼妻鄧氏因夫老病被賊燒死遂自縊於尸側

王承柱妻金氏聞夫被殺自縊

儲占魁妻李氏同夫遇賊持挺救夫得逸氏中鎗死

儲春梓妻劉氏春梓禦賊陣亡氏與姑被執乃紿賊釋姑隨腹

石而死

涂呆子妻徐氏隨夫種山來安呆子爲賊擄氏乃獨居俄舅自
潛山來氏奉養之三日而死家僅糧數斗鬻以斂殯遂攜幼子
赴潛山至無爲州爲人騙去死拒不從轉賣與市棍大罵被擊
殺其子亦蹂躪死

朱毓杰妻鄭氏

李萬宇妻金氏

李學淵子婦郝氏

郝啟玟妻王氏

聶守先妻許氏

余實義妻產氏

楊斯美妻范氏

儲恩瓊妻王氏

儲萬富妻洪氏

徐良豔妻彭氏

韓宗福妻儲氏

方通印妻程氏

以上夫亡

守節遇

變殉烈

賀福祥妻朱氏夫歿事舅至孝父憐其無依欲令他適氏自縊

宿松人下同

高文藻妻張氏夫歿遺腹生女終喪三年絕粒死

李寶亭妻朱氏夫歿守節事姑姑歿爲夫立嗣畢自經

胡與齊妻張氏

鄧庚雅妻賀氏

監生鄧瀛岑妻王氏

萬斗樞妻方氏

楊歌月妻吳氏

賀桑江妻劉氏

余象六妻曾氏

以上夫亡殉烈

吳月桂妻蔡氏

賀澤霖妻張氏

胡東海妻章氏

監生葉雲溪子婦石氏

唐朝聘妻汪氏

以上夫亡

并節遇變殉烈

文生檀夢魁妻黃氏夫病刲臂救之及歿殉烈

望江人下同

胡乾一妻王氏夫經紀於外氏就食母家有夜偏汚者驚號走

之羞忿投河死

吳松柏妻許氏

余記堂妻魯氏

朱勳遠妻龍氏

文生胡峯妾吳氏

檀自懋妻曹氏

檀文正妻陳氏

以上夫亡

烈殉

訓導魯昱妻鄭氏因夫帶練拒賊積勞病故隨赴水死

邱青岱妻許氏

韓茂根妻章氏

檀朗廷妻郭氏

以上夫亡

守節遇
變殉烈

附寄籍

寄居懷甯浙江人陳敬之妻虞氏守節十四年城陷投江死湖
南湘潭人典史陳石泉妻程氏夫歿葬畢隨服毒死江甯縣人
鄭公正妻張氏夫歿孤天氏自經